

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 04-02-2021			
Org. jed.	Broj	Priloga	Vrijednost
01-	02-	376	21.

Bosna i Hercegovina

Federacija Bosne i Hercegovine

Parlament Federacije Bosne i Hercegovine

Zastupnički dom

Klub zastupnika Demokratske fronte

Nr. Predsjedavajućeg Zastupničkog doma

Mirsad Zaimović

U skladu sa članom 172. Poslovnika o radu Zastupničkog doma Parlamenta Federacije BiH radi razmatranja i usvajanja po skraćenom postupku dostavljamo

Prijedlog

Zakona o izmjenama i dopunama Zakona o državnoj službi F BiH

Prijedlog je koncipiran u formi skraćenog postupka, s obzirom da kao takav ispunjava poslovničke odredbe koje regulišu ovakvu proceduru.


Molimo Vas da tekst Prijedloga zakona uputite Vladi Federacije BiH radi dostavljanja mišljenja u poslovničkom roku od 30 dana.

U prilogu dostavljamo Prijedlog zakona

S poštovanjem,

Klub zastupnika Demokratske fronte

Predsjednica Kluba, Alma Kratina



PARLIAMENTARY OFFICERS
GENERAL OFFICE
PARLIAMENTS HOUSE

Rank	Name	Grade	Pay

PRIJEDLOG

ZAKON
O IZMJENAMA I DOPUNAMA ZAKONA O DRŽAVNOJ SLUŽBI
FEDERACIJE BOSNE I HERCEGOVINE

Sarajevo, februar 2021. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Postupajući u smislu odredaba člana 26. Poslovnika o radu Vlade Federacije BiH, predlažemo donošenje Zakona o izmjenama i dopunama Zakona o državnoj službi FBiH po skraćenom postupku. Kao osnovni razlog za donošenje ovog zakona po skraćenim postupku, ističemo da se u konkretnom postupku ne radi o složenim i obimnim izmjenama, te da su u tom smislu ispunjeni uslovi iz člana 172. Poslovnika Zastupničkog doma Parlamenta Federacije BiH i člana 164. Poslovnika o radu Doma naroda Parlamenta Federacije BiH.

ZAKON O IZMJENAMA I DOPUNAMA ZAKONA O DRŽAVNOJ SLUŽBI FBiH

Član 1.

U Zakonu o izmjenama i dopunama zakona o državnoj službi FBiH mijenja se član 31. stav 1. i glasi:

„Rukovodilac organa državne službe uz prethodno pribavljeno mišljenje Agencije, postavlja najuspješnijeg kandidata sa liste uspješnih kandidata“.

Član 2.

U Zakonu o izmjenama i dopunama zakona o državnoj službi FBiH mijenja se član 59. stav 3. tačka a. tako da glasi:

„Državni službenik koji je suspendiran ima pravo na naknadu plaće u iznosu od 60%, a ako izdržava članove porodice 80% plaće isplaćene u mjesecu koji je prethodio udaljenju iz službe.“

Član 3.

U Zakonu o izmjenama i dopunama zakona o državnoj službi FBiH u članu 59. stav 3. dodaje se tačka b. koja glasi:

„Službeniku se vraća obustavljeni dio plaće od prvog dana udaljenja u sljedećim slučajevima:

- *Ako sud uvaži njegovu žalbu protiv rješenja o suspenziji*
- *Ako je pravomoćnim rješenjem obustavljen krivični, odnosno postupak zbog teže povrede službene dužnosti, osim zbog zastare vođenja postupka, i*
- *Ako je pravomoćnom presudom u krivičnom, odnosno pravomoćnim rješenjem u postupku zbog teže povrede službene dužnosti oslobođen od odgovornosti.*

, a tačka b. postaje tačka c“.

Član 4.

Ovaj zakon stupa na snagu narednog dana od dana objavljivanja u „Službenim novinama Federacije BiH.“

OBRAZLOŽENJE

ZAKONA O IZMJENAMA I DOPUNAMA ZAKONA O DRŽAVNOJ SLUŽBI FBIH

I. – USTAVNI OSNOV

Ustavnopravni osnov za donošenje ovog zakona sadržan je u odredbama člana IV. A. 20. (1) d) Ustava Federacije Bosne i Hercegovine. Naime, prema odredbama člana IV. A. 20. (1) d) Ustava Federacije BiH, Parlament Federacije BiH nadležan je za donošenje zakona o vršenju funkcije federalne vlasti, iz čega proizilazi da navedena odredba predstavlja ustavnopravni osnov za njegovo donošenje.

II. – RAZLOZI ZA DONOŠENJE ZAKONA

Zakonsko rješenje prema kojem nisu propisani kriteriji za izbor kandidata za postavljanje te rukovodilac organa ima mogućnosti da postavi bilo kojeg kandidata sa liste uspješnih kandidata, onemogućava ostvarivanje svrhe provođenja javnog konkursa. Svrha provođenja javnog konkursa bi trebala biti da se izabere najbolji kandidat a to je na ovaj način onemogućeno jer se rukovodiocu organa daje pravo da odluči kojeg kandidata će sa liste uspješnih kandidata izabrati, a bez obaveze da svoj izbor obrazloži ili opravda. Takođe, ne vrši se nikakvo rangiranje kandidata po bilo kojem osnovu, svi kandidati koji ispunjavaju tražene uslove se stavljaju na listu uspješnih kandidata. Prema trenutnom zakonskom rješenju, rukovodilac ima mogućnosti da postavlja kandidata u radni odnos sa liste kandidata koji ispunjavaju sve uslove javnog oglasa. Ovakvo zakonsko rješenje podložno je zloupotrebama, manipulacijama i dovodi do pravne nesigurnosti. Takođe, provođenje konkursa na način kako je sada propisano u velikoj mjeri umanjuju značaj komisije za izbor, koja je samo ovlaštena da utvrdi listu uspješnih kandidata.

Posljednji događaji ukazuju na hitnu izmjenu i dopunu rješenja kojima se normira pitanje suspenzije državnog službenika, odnosno pitanje isplate plaće za vrijeme dok suspenzija traje. Prema trenutnom zakonskom rješenju suspenzirani državni službenik prima punu plaću. Ovakvo rješenje nije poznato u bilo kojoj zemlji okruženja. Smatramo da ovakvo rješenje treba biti promijenjeno na način kako je predviđeno.

III. - OBRAZLOŽENJE PREDLOŽENIH ZAKONSKIH RJEŠENJA

Članom 1. normira se da rukovodilac organa državne službe uz prethodno pribavljeno mišljenje Agencije, postavlja najuspješnijeg kandidata sa liste uspješnih kandidata.

Članom 2. normira se visina novčanih primanja državnog službenika za vrijeme trajanja suspenzije.

Članom 3. normiraju se uslovi vraćanja obustavljenog dijela plaće.

IV- FINANSIJSKA SREDSTVA

Za provođenje ovog zakona nije potrebno osigurati dodatna sredstva u Budžetu Federacije Bosne i Hercegovine.

Klub zastupnika Demokratske fronte

Predsjednica Kluba

Alma Kratina, s.r.

